

INUIT ATAQATIGIIT INATSIARTUNI



UPA2022/159

24. Marts 2022

Agathe Fontain

**Arnanut nakuusertarneq angerlarsimaffinnilu nakuusertarneq
pitsaaliorniarlugit akiorniarlugillu Europarådip isumaqatigiissutaanik
(Istanbulimi isumaqatigiissummik) Kalaallit Nunaanni
Namminersorlutik Oqartussat akuersissuteqarnissaat pillugu
Inatsisartut aalajangiiffigisassaattut siunnersuut**

(Meeqqanut, Inuusuttunut Ilaqutariinnullu Naalakkersuisoq)

Siullertut saqqummiisunut qujassaagut.

Inuit Ataqatigiinniit oqaatigisareerparput timikkut tarnikkullu persuttaasarneq akueringinnatsigu, persuttaasarnerullu kingunerisinnaasai annertupput allaat inuunerup ilaani anniaatigineqarsinnaallutik kingunerluutinngorsimappatalu katsorsartsinneqarmik kinguneqarsinnaallutik,

FN-p Arnat persuttarneqartarnerat akiorniarlugu ullorititaq 25. Nov atorlugu, oqaaseqatit, suliniutit, oqallinnerit [il.il](#) saqqummiunneqartuarput. Akiuiniarsaraagut.

Taammaattoq. Ukioq 2021 politiet nalunaarusiaaq takugutsigu, persuttaanerit 1348 nalunaarutigineqarsimapput. Angerlarsimaffinni meeratalinni 435 politiet perullulionernut. Ornigussimapput.

Ukiorpassuanngorput persuttaaneq annertusigaluttuinnarluni, imaappoq Amman arnanut persuttaaneq annertusigaluttuinnarpoq. Persuttaaneq akuerisaalersimanerpa? Persuttaaneq sungiutiinnarsimavarput? Ileqqussatut akuerivarput?

INUIT ATAQATIGIIT INATSISARTUNI



Ulluinnarsiutigaarput meeqqat persutaaffiusimiittarnerat, ulluinnarsiutigaarput akueralugu meeqqat immaqa inuunermik, qatanngutimik inuunerannik, anaanamik inuunerannut ernummatillit.

Akueraarput meeqqat arnat, patitallalaaginnarneqarsinnaasut, isimmineqalaaginnarneqarsinnaasut, suanngattarneqalaaginnarsinnaasut. Akueraarput anguteqarmat, nipitik qaffalaaginnarlugit arnanik nipangersitisinnaasut.

Qupopersakkat, TV-kut aallakaatitaaqqat assigisaalu oqariartuuteqartut, Persuttaaneq akuerisaanngilarput, akuerisassaangitsoq.

Arnanut persuttaaneq uninnanviangilaq ulloq Taanna angut persuttaasartog peqqissimilerpat, katsorsarneqarnissaminillu piumasaqarluni.

Persuttaaneq uninnaviangilaq, meeqqat takusinnaangippassuk, inersimasut pissutisminnik allannguisut, persuttaanerlu aqutaanngitsoq sunulluuniit.

Utoqqatsissutissaqanngilluinnarpoq minnerpaamilluunniit persuttaasimanermut, putumanerusimappat, sangiannerusimappat, akerlilerneqarsinnaanermilluuniit sungiusimasaqarsimannginneq sunaluuniit utoqqatsissutaasinnaangilaq.

Persuttaasartuuguit, ikioqqugit, persutaasunik takuguit unnerluutigiuk, persuttarneqartartumik ilisarisimasaqaruit ikioruk, persuttasartumik paasisaqaruit toqqarlugu oqarfigiuk, akuerineqarsinnaanngilluinnartumik pissuseqartog.

Arnanut pissusilersortarnikkut, killissaanik qaangiisaatit, qunusaarerpasissumik, isikkorluinikkut, nipit sakkortusillugu nipeqarnikkut pissusilersoruit. Taakkuunatigut killissaamikm qaangiinerit, alliertortinneqarlutik, persuttaanermut amerlasuutigut killittarmata.

INUIT ATAQATIGIIT INATSIARTUNI



Naqissuserusupparali timikkut tarnikkut kanngunarsaasarnerlu pillugit Inuit Ataqatigiinniit akiortuarnissaanut suleqataajuaannassagatta, qanigisariinnillu nakuusertarneq pillugu akiorneqarnerat pingaaaruteqartoq naqissuserusupparput tamannalu illersorneqarsinnaappat tamatta akisussaaffimmik tiguisariaqartugut naqissuserusuppara, siorna UKA 2021 takuneqarsinnaavoq Imm. 146/147 eqqartorneqarnikuusoq, tamannalu tunngavigalugu Naalakkersusiut saqqummiinerat Inuit Ataqatigiinnit taperseratsigu, unali maluginiarparput suliamik ingerlasoqartoq, tamannalu isumaminik ajunngilaq kissaatigaarput peqqissaartumik suliaq ingerlanneqassasoq, susassaqtut suleqatigineqarneratigut.

“Taamaattumik massakkut qanigisariinni nakuusertarnerup akiorneqarnissaanut iliuusissanut pilersaarummik suliaqarpugut, taassumalu angusassamik toraagaqarluni piffissarlu ungasinnerusoq isigalugu qanigisariinni nakuusertarnerup pitsaaliorneqarneranik suliaqarneq qulakkiissavaa.”

Nuannaarutigalugu nalunaarutigissavarput Inuit Ataqatigiinnit nakuusertarneq pillugu Naalakkersusit suliaqarnerat, tamannalu siunissaq eqqarsaatigalugu alloriarneq annertuujummat.

Taamatut oqaaseqarluta Naalakkersuisut siunnersuutaat taperserparput.